

Yeu si le trimârdeu, le martchan dè bouoneu
Yeu n' é kè dè tsanson a metre din le kieu
Vouo mè vèraï pasâ, tsekou a voutre to
Pasâ u van lévè, u bon van dè l' amour.

Y' é li katre saïzon pouo alâ rôdâ
É sènâ li tsanson dè baïzié
Y' é l' eüton é l' ivê, le sial é la mê
Le feürtin, le tsôtin pouo tsantâ.

Vouo z' ite dè maïnô, kiè vouo bayé dè mô
Dè mô pouo vouo z' anmâ é dè mô pouo réla
Mi mè l' âruv' a tin, a tin eureuzamin
Pouo alâ reparâ sin kiè vouo dékapâ.

Y' é li katre saïzon pouo sètché li greme
É aloyé li mô dè vô kieu
Y' é l' eüton é l' ivê, le sial é la mê
Le feürtin, le tsôtin pouo tsantâ.

Yeu baye a bon martcha pouo kafolâ dè to
Pouo kafolâ dè to adi kè dè réla
Yeu ne démande rin pouo mè rekonpinsâ
K' avaï su mon tsemîn la véne kiè y' é baya

Y' é li katre saïzon pouo sètché li greme
É aloyé li mô dè vô kieu
Y' é l' eüton é l' ivê, le sial é la mê
Le feürtin, le tsôtin pouo tsantâ.

Yeu si le trimârdeu, le martchan dè bouoneu
Yeu n' é kè dè tsanson a metre din le kieu
Vouo mè vèraï pasâ, tsekou a voutre to
Pasâ u van lévè, u bon van dè l' amour.

Sé di Kâve
Laïtron, le 15.05.2009